



*ZAPISNIK
O RADU 41. SJEDNICE GRADSKOG VIJEĆA GRADA
SARAJEVA OD 27.07.2016. GODINE*

Sarajevo, juli 2016. godine

ZAPISNIK
O RADU 41. SJEDNICE GRADSKOG VIJEĆA GRADA SARAJEVA
OD 27.07.2016. GODINE

Broj: 01-02-1221/16

Datum: 27.07.2016. godine

Sjednica je počela s radom u 10.00 sati.

Sjednicom je predsjedavao Suljo Agić, Predsjedavajući Gradskog vijeća Grada Sarajeva.
Prisutni su bili sljedeći gradski vijećnici:

- | | |
|-------------------------------|-------------------------|
| 1. Suljo Agić | 15. Sanja Lazar |
| 2. Novka Agić | 16. Miro Lazović |
| 3. Vedran Dodik | 17. Jusuf Lošić |
| 4. Igor dr. Gavrić | 18. Arijana Talović |
| 5. Mr. Gradimir Gojer | 19. Robert Pleše |
| 6. Alija Hodžić | 20. Omer Pajević |
| 7. Avdo Hodžić | 21. Branislava Rakonjac |
| 8. Hasan Hodžić | 22. Nebojša Simić |
| 9. Enes Husejnović | 23. Miroslav Živanović |
| 10. Drago Jurić | |
| 11. Prof. Dr. Velija Katica | |
| 12. Suvad Kerla | |
| 13. Stjepan Kljuić | |
| 14. Dr. sci. Slaven Kovačević | |

Odsutni: Vernes Ćosić, Vibor Handžić, Boris Riderle, Jasmin Smječanin, Edina Latif (najavljeni izostanci)

Pored gradskih vijećnika sjednici su prisustvovali:

1. Prof. Dr. Ivo Komšić, Gradonačelnik,
2. Ranko dr. Čović, zamjenik Gradonačelnika,
3. Abdulah Skaka, zamjenik Gradonačelnika,
4. Safet Krajišnik, Sekretar Gradskog vijeća,
5. Jasmina Karović, pravobranilac Grada Sarajeva,
6. Elvir Hadžiahmetović, sekretar Gradske uprave,
7. Sabina Hadžiahmetović, pomoćnik Gradonačelnika za opću upravu,
8. Firdevsa Bračković, pomoćnik Gradonačelnika za lokalno poslovanje i razvoj grada,
9. Dragana Solaković, pomoćnik Gradonačelnika za lokalnu samoupravu,
10. Hamdo Karić, pomoćnik Gradonačelnika za komunalne poslove,
11. Ramiz Kadić, pomoćnik Gradonačelnika za obrazovanje, kulturu i sport,
12. Arijana Musić, Služba za urbano planiranje i stambene poslove,
13. Članovi Komisije za Statut i akte Gradskog vijeća koji nisu gradski vijećnici (prema evidenciji u Službi Gradskog vijeća).
14. Samir Avdić, direktor EYOF, d.o.o
15. Muamera Efendić, sekretar JP „Olimpijski bazen Otoka“ d.o.o. Sarajevo

Predsjedavajući Gradskog vijeća Suljo Agić je pozdravio prisutne gradske vijećnike, Gradonačelnika i goste te otvorio 41. sjednicu Gradskog vijeća Grada Sarajeva konstatacijom da sjednici prisustvuje 21 gradski vijećnik, te da su izostanak najavili gradski vijećnik Vernes Ćosić, gradski vijećnik Boris Riderle, gradski vijećnik Jasmin Smječanin i gradski vijećnik Vibor Handžić te da sjednica Gradskog vijeća ima kvorum za punovažan rad i odlučivanje.

Na poziv **Predsjedavajućeg Gradskog vijeća Sulje Agića**, uslijedilo je odavanje počasti poginulim herojima u sudbonosnoj bitci za Sarajevo i Bosnu i Hercegovinu koja se dogodila na Žuči prije 23 godine, 27.07.1993. godine.

Poslije izjašnjanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva**, bez rasprave, **većinom glasova**, izjasnivši se sa 19 glasova “za”, bez glasova “protiv” i uz jedan “suzdržan” glas prisutnih gradskih vijećnika, usvojilo Zapisnik o radu 40. sjednice Gradskog vijeća Grada Sarajeva.

Uslijedilo je utvrđivanje dnevnog reda sjednice, te je **Predsjedavajući Gradskog vijeća Suljo Agić** podsjetio gradske vijećnike da su materijale dobili uz poziv za sjednicu Gradskog vijeća, zajedno s izvještajima sa sjednica radnih tijela održanih u pripremi 41. sjednice Gradskog vijeća i dao uvodne napomene u izlaganju sljedećeg sadržaja.

Uz poziv za sjednicu dostavljen je i Prijedlog Odluke o podizanju Spomenika Bosanskim specijalcima. Komisija za spomenike je predložila da se ova odluka razmatra po skraćenom postupku. Dostavljen je i Preliminarni Elaborat o opravdanosti osnivanja Javnog preduzeća "Sarajevo" d.o.o. Dostavljanje ovog Elaborata znači realizaciju zaključaka Gradskog vijeća.

Pred početak sjednice gradskim vijećnicima su uručeni i dopunski materijali. Dostavljeni su izvještaji radnih tijela vezani za razmatranje materijala koji su dostavljeni poslije dogovorenih rokova, ali ipak na vrijeme da bi se mogli uvrstiti u prijedlog dnevnog reda današnje sjednice. Dostavljena su i mišljenja radnih tijela o naknadno dostavljenom Elaboratu vezano za osnivanje javnog preduzeća.

Zatim je najavio razmatranje prethodnih pitanja te je otvorio raspravu o proceduralnom prijedlogu da se Odluka o uspostavljanju saradnje između Grada Sarajeva i Grada Budimpešte razmatra u formi prijedloga po skraćenom postupku

U raspravi o proceduralnim pitanjima sudjelovali su **gradska vijećnica Sanja Lazar** i **Predsjedavajući Gradskog vijeća Suljo Agić**.

Poslije izjašnjanja, **Predsjedavajući Gradskog vijeća Suljo Agić**, je konstatirao da se jedan gradski vijećnik nije izjasnio, a da je **Gradsko vijeće Grada Sarajeva**, **jednoglasno**, izjasnivši se sa 20 glasova “za”, bez glasova “protiv” i bez “suzdržanih” glasova, prisutnih gradskih vijećnika, usvojilo prijedlog da se Odluka o uspostavljanju saradnje između Grada Sarajeva i Grada Budimpešte **razmatra u formi prijedloga po skraćenom postupku i kao takva uvrsti u prijedlog dnevnog reda 41. sjednice Gradskog vijeća**.

Predsjedavajući Gradskog vijeća Suljo Agić je otvorio raspravu o proceduralnom prijedlogu da se Odluka o podizanju Spomenika bosanskim specijalcima razmatra u formi prijedloga po skraćenom postupku.

U raspravi su sudjelovali **gradska vijećnica Sanja Lazar, gradski vijećnik Hasan Hodžić**, a dodatna obrazloženja je dao **gradski vijećnik Velija Katica, predsjedavajući Komisije za spomenike Gradskog vijeća**, predlagača materijala. Raspravu je nastavila **gradska vijećnica Arijana Talović**, a zatim i **gradski vijećnik Hasan Hodžić**.

Poslije izjašnjavanja, **Predsjedavajući Gradskog vijeća Suljo Agić** je konstatirao da je **Gradsko vijeće Grada Sarajeva**, većinom glasova, izjasnivši se sa 18 glasova "za", jednim glasom "protiv" i uz dva "suzdržana" glasa, prisutnih gradskih vijećnika, usvojilo prijedlog da se Odluka o podizanju Spomenika bosanskim specijalcima **razmatra u formi prijedloga po skraćenom postupku i kao takva uvrsti u prijedlog dnevnog reda 41. sjednice Gradskog vijeća kao nova tačka 2.**

Poslije izjašnjavanja, **Predsjedavajući Gradskog vijeća Suljo Agić** je konstatirao da se dva gradska vijećnika nisu izjasnila, a da je **Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa "za", bez glasova "protiv" i bez "suzdržanih" glasova, prisutnih gradskih vijećnika, usvojilo dnevni red 41. sjednice Gradskog vijeća Grada Sarajeva kako slijedi:

1. **Prijedlog Odluke o uspostavljanju saradnje između Grada Sarajeva i Grada Budimpešte (Republika Mađarska)**
2. **Prijedlog Odluke o podizanju Spomenika bosanskim specijalcima**
3. **Prijedlog Odluke o usvajanju Regulacionog plana "Kanara" sa Prijedlogom Odluke o provođenju Regulacionog plana "Kanara"**
4. **Prijedlog Odluke o usvajanju Izmjena i dopuna Regulacionog plana "Čobanija" sa Prijedlogom Odluke o provođenju Izmjena i dopuna Regulacionog plana "Čobanija" (skraćeni postupak)**
5. **Prijedlog Odluke o pristupanju izradi Regulacionog plana "Zabrđe"**
6. **Prijedlog Odluke o osnivanju javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva**
7. **Izvještaj o provođenju Odluke o kućnom redu u stambenim zgradama na području grada Sarajeva**
8. **Izvještaj o preduzetim aktivnostima i toku priprema za održavanje EYOF 2019 za period 01.04. – 30.06. 2016. godine**
9. **Periodični izvještaj o aktivnostima Grada Sarajeva na planu međunarodne saradnje**
10. **Nacrt Odluke o usvajanju Regulacionog plana "Vraca" sa Nacrtom Odluke o provođenju Regulacionog plana "Vraca"**
11. **Nacrt Odluke o pristupanju izradi Regulacionog plana "Sarajevogas - Bosnalijek"**
12. **Informacija o ustavno pravnom statusu Grada Sarajeva i položaju Grada Sarajeva u sistemu finansiranja s prijedlogom mjera**
13. **Informacija o Izvještaju o reviziji finansijskih izvještaja za 2015. godinu**
14. **Informacija o realizaciji vijećničkih pitanja i inicijativa za period januar – ma 2016. godine**
15. **Informacija o stanju javnih zelenih površina na području grada Sarajeva, plan i program za održavanje i uređenje istih**
16. **Vijećnička pitanja i inicijative**

Ad 1)

Prijedlog Odluke o uspostavljanju saradnje između Grada Sarajeva i Grada Budimpešte (Republika Mađarska)

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, da su materijal razmatrala nadležna radna tijela i to Komisija za međunarodnu saradnju i Komisija za Statut i akte.

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo Odluku o uspostavljanju saradnje između Grada Sarajeva i Grada Budimpešte (Republika Mađarska) kako je predložena.

Ad 2)

Prijedlog Odluke o podizanju Spomenika bosanskim specijalcima

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Komisija za spomenike, a da je u pripremi sjednice materijal razmatrala Komisija za Statut i akte.

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, bez rasprave, **većinom glasova**, izjasnivši se sa 20 glasova “za”, bez glasova “protiv” i uz dva “suzdržana” glasa prisutnih gradskih vijećnika, usvojilo Odluku o podizanju Spomenika bosanskim specijalcima kako je predložena.

Ad 3)

Prijedlog Odluke o usvajanju Regulacionog plana "Kanara" sa Prijedlogom Odluke o provođenju Regulacionog plana "Kanara"

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač Odluke Gradonačelnik, a da su materijal razmatrala nadležna radna tijela, Odbor za urbanizam i upotrebu lokalnog zemljišta i Komisija za Statut i akte.

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, bez rasprave, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika, usvojilo Odluku o usvajanju Regulacionog plana "Kanara" s Odlukom o provođenju Regulacionog plana "Kanara" kako je i predložena.

Ad 4) **Prijedlog Odluke o usvajanju Izmjena i dopuna Regulacionog plana "Čobanija" sa Prijedlogom Odluke o provođenju Izmjena i dopuna Regulacionog plana "Čobanija" (skraćeni postupak)**

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela, Odbor za urbanizam i upotrebu lokalnog zemljišta i Komisija za Statut i akte.

U raspravi je svoje mišljenje iznio, odnosno postavio pitanja **gradski vijećnik Suvad Kerla**, a zatim i **gradski vijećnik Slaven Kovačević**, **gradski vijećnik Omer Pajević**, a dodatna obrazloženja i odgovore na pitanja dala je **Arijana Musić**, **stručni savjetnik u Gradskoj službi za urbano planiranje i stambene poslove**.

Gradski vijećnik Vedran Dodik je zatim kao predsjedavajući kluba gradskih vijećnika, zatražio pauzu.

Raspravu je nastavio **gradski vijećnik Alija Hodžić**.

Predsjedavajući Gradskog vijeća Suljo Agić je zatim zaključio raspravu i najavio pauzu u radu sjednice Gradskog vijeća.

Sjednica je nastavila s radom tako što je **gradski vijećnik Vedran Dodik** upoznao Gradsko vijeće s rezultatima postignutim tokom pauze.

Poslije izjašnjavanja, **Predsjedavajući Gradskog vijeća Suljo Agić** konstatirao je da se dva gradska vijećnika nisu izjasnila, a da **Gradsko vijeće Grada Sarajeva**, izjasnivši se sa 13 glasova "za", bez glasova "protiv" i uz sedam "suzdržanih" glasova prisutnih gradskih vijećnika, nije usvojilo Odluku o usvajanju Izmjena i dopuna Regulacionog plana "Čobanija" sa Odlukom o provođenju Izmjena i dopuna Regulacionog plana "Čobanija" (skraćeni postupak) kako je bila predložena.

Ad 5)

Prijedlog Odluke o pristupanju izradi Regulacionog plana "Zabrđe"

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela, Odbor za urbanizam i upotrebu lokalnog zemljišta i Komisija za Statut i akte.

Poslije izjašnjavanja, **Predsjedavajući Gradskog vijeća Suljo Agić** konstatirao je da se četiri gradska vijećnika nisu izjasnila, a da je **Gradsko vijeće Grada Sarajeva**, bez rasprave, **jednoglasno**, izjasnivši se sa 18 glasova "za", bez glasova "protiv" i bez "suzdržanih" glasova prisutnih gradskih vijećnika, usvojilo **Odluku o pristupanju izradi Regulacionog plana "Zabrđe"** kako je i predložena.

Ad 6)

Prijedlog Odluke o osnivanju javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa grada Sarajeva

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela. Podsjetio je da je Odbor za javne službe, infrastrukturu i javni saobraćaj insisitirao na realizaciji zaključaka Gradskog vijeća kojim je utvrđena obaveza izrade Elaborata o ekonomskoj opravdanosti osnivanja preduzeća, kojim će se između ostalog definirati ciljevi postojanja budućeg preduzeća i izvor finansiranja rada budućeg preduzeća. Podsjetio je da je traženi Elaborat naknadno i dostavljen kao i mišljenja nadležnih radnih tijela o Elaboratu, te da je Odbor za javne službe, infrastrukturu i javni saobraćaj ocijenio Elaborat manjkavim i zatražio dopunu, tako da je i dopuna dostavljena pred početak sjednice. Podsjetio je i da je Administrativna komisija ostala pri amandmanima na Prijedlog Odluke, te da je Komisija za Statut i akte podržala prijedloge Administrativne komisije.

Gradonačelnik Ivo Komšić se izjasnio da prihvata rješenja iz podnesenih amandmana Administrativne komisije.

Predsjedavajući Gradskog vijeća Suljo Agić je konstatirao da prihvaćena rješenja iz podnesenih amandmana Administrativne komisije postaju sastavni dio predložene odluke.

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, bez rasprave, **većinom glasova**, izjasnivši se sa 18 glasova “za”, bez glasova “protiv” i uz tri “suzdržana” glasa prisutnih gradskih vijećnika, usvojilo Odluku o osnivanju javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva kako je i predložena i čiji sastavni dio su postala prihvaćena rješenja iz podnesenih amandmana Administrativne komisije.

Ad 7)

Izveštaj o provođenju Odluke o kućnom redu u stambenim zgradama na području grada Sarajeva

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela, Komisija za Statut i akte i Odbor za javne službe, infrastrukturu i javni saobraćaj koji je formulirao određene zaključke.

U raspravi je sudjelovao **gradski vijećnik Robert Pleše**

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, **jednoglasno**, izjasnivši se sa 22 glasa “za”, bez glasova “protiv” i bez “suzdržanih” glasova prisutnih gradskih vijećnika, na prijedlog Odbora za javne službe, infrastrukturu i javni saobraćaj usvojilo sljedeće **zaključke**:

1. **Gradsko vijeće je upoznato da je Odbor za javne službe, infrastrukturu i javni saobraćaj konstatovao da je, uz sve napore koji se ulažu, nemoguće vršiti nadzor nad primjenom odluke angažmanom jednog komunalnog inspektora, a pogotovo zato što komunalni inspektor ne može naložiti izvršavanje sankcije za povredu odredbi ovog gradskog propisa.**
2. **Gradsko vijeće je upoznato s činjenicom da Odbor za javne službe, infrastrukturu i javni saobraćaj već četiri godine upozorava na problem zaštite od buke, odnosno sukob nadležnosti kod ovog problema i ukazuje na neriješena pitanja koja se tiču reda pri čuvanju kućnih ljubimaca, a što proističe iz Zakona o zaštiti i dobrobiti životinja BiH.**
3. **Zadužuje se Gradonačelnik da razmotri važeća rješenja i ne predlaže Gradskom vijeću novi propis dok se ne nađe rješenje za navedena pitanja i to kad se za to steknu preduvjeti (donošenje Kantonalnog i dugih propisa).**

Poslije izjašnjavanja, **Predsjedavajući Gradskog vijeća Suljo Agić** konstatirao je da je **Gradsko vijeće Grada Sarajeva**, **jednoglasno**, izjasnivši se sa 22 glasova “za”, bez glasova “protiv” i bez “suzdržanih” glasova prisutnih gradskih vijećnika, usvojilo **Izveštaj o provođenju Odluke o kućnom redu u stambenim zgradama na području Grada Sarajeva** kako je i podnesen.

Ad 8)

Izveštaj o preduzetim aktivnostima i toku priprema za održavanje EYOF 2019 za period 01.04. – 30.06.2016. godine

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela, Komisija za Statut i akte i Odbor za društvene djelatnosti.

U raspravi o proceduralnim pitanjima sudjelovali su **gradski vijećnik Alija Hodžić** i **Predsjedavajući Gradskog vijeća Suljo Agić**.

Uvodno izlaganje je podnio **direktor EYOF-a 2019 Samir Avdić**.

U raspravi su određena pitanja postavili **gradski vijećnik Alija Hodžić**, **gradski vijećnik Enes Husejnović**, a odgovore i dodatna obrazloženja dao je **direktor EYOF-a 2019 Samir Avdić**.

Predsjedavajući Gradskog vijeća Suljo Agić je konstatirao da je direktor EYOF-a 2019 Samir Avdić usmeno odgovorio na pitanje koje je Gradsko vijeće trebalo uputiti Gradonačelniku usvjanjem zaključka na prijedlog Odbora za društvene djelatnosti, te da je prestala potreba za izjašnjavanjem o predloženom zaključku.

Poslije izjašnjavanja, **Predsjedavajući Gradskog vijeća Suljo Agić** konstatirao je da se dva gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika, usvojilo Izveštaj o preduzetim aktivnostima i toku priprema za održavanje EYOF 2019 za period 01.04. – 30.06.2016. godine kako je i podnesen i usmeno dopunjen.

Ad 9)

Periodični Izveštaj o aktivnostima Grada Sarajeva na planu međunarodne saradnje

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela i to Komisija za međunarodnu saradnju koja je donijela određene zaključke i Komisija za Statut i akte koja je konstatovala da postoji pravni osnov da Gradsko vijeće razmatra podneseni Izveštaj.

Poslije izjašnjavanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva**, bez rasprave, **većinom glasova**, izjasnivši se sa 19 glasova “za”, jednim glasom “protiv” i uz jedan “suzdržan” glas prisutnih gradskih vijećnika, usvojilo Periodični Izveštaj o aktivnostima Grada Sarajeva na planu međunarodne saradnje kako je i podnesen.

Ad 10)

Nacrt Odluke o usvajanju Regulacionog plana "Vraca" sa Nacrtom Odluke o provođenju Regulacionog plana "Vraca"

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela i to Odbor za urbanizam i upotrebu lokalnog zemljišta i Komisija za Statut i akte.

U raspravi je sudjelovao **gradski vijećnik Hasan Hodžić**.

Poslije izjašnjavanja, **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva, jednoglasno**, izjasnivši se sa 21 glasom “za”, bez glasova “protiv” i bez “suzdržanih” glasova prisutnih gradskih vijećnika, usvojilo zaključak kojim se Nacrt Odluke o usvajanju Regulacionog plana "Vraca" sa Nacrtom Odluke o provođenju Regulacionog plana "Vraca" upućuje u javnu raspravu kako je to navedeno u zaključku.

Ad 11)

Nacrt Odluke o pristupanju izradi Regulacionog plana "Sarajevogas - Bosnalijek"

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da su materijal razmatrala nadležna radna tijela i to Odbor za urbanizam i upotrebu lokalnog zemljišta i Komisija za Statut i akte.

Poslije izjašnjava **Predsjedavajući Gradskog vijeća Suljo Agić** konstatirao je da se jedan gradski vijećnik nije izjasnio, a da je **Gradsko vijeće Grada Sarajeva, jednoglasno**, izjasnivši se sa 21 glasom "za", bez glasova "protiv" i bez "suzdržanih" glasova prisutnih gradskih vijećnika, usvojilo zaključak kojim se Nacrt Odluke o pristupanju izradi Regulacionog plana "Sarajevogas - Bosnalijek" upućuje u javnu raspravu kako je to navedeno u zaključku.

Ad 12)

Informacija o ustavno pravnom statusu Grada Sarajeva i položaju Grada Sarajeva u sistemu finansiranja s prijedlogom mjera

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da je materijal razmatrala Komisija za Statut i akte.

Predsjedavajući Gradskog vijeća Suljo Agić je konstatirao da je **Gradsko vijeće Grada Sarajeva**, bez rasprave, primilo k znanju Informaciju o ustavno pravnom statusu Grada Sarajeva i položaju Grada Sarajeva u sistemu finansiranja s prijedlogom mjera kako je dostavljena.

Ad 13)

Informacija o Izvještaju o reviziji finansijskih izvještaja za 2015. godinu

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Predsjedavajući Gradskog vijeća, a da je, prije predlaganja Informacije, materijal razmatrao Odbor za budžet i finansije i predložio da se Gradskom vijeću Izvještaj dostavi na razmatranje i to u vidu informacije.

U raspravi je sudjelovala **gradska vijećnica Novka Agić**, određena obrazloženja stanja dao je **zamjenik Gradonačelnika Ranko Čović**, a pitanja vezana za **dalje postupanje**, vezano za negativan izvještaj i prijedlog mjera, **postavio je gradski vijećnik Robert Pleše**.

Poslije izjašnjava **Predsjedavajući Gradskog vijeća Suljo Agić** konstatirao je da se četiri gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 18 glasova "za", bez glasova "protiv" i bez "suzdržanih" glasova prisutnih gradskih vijećnika, na prijedlog **Odbora za budžet i finansije** usvojilo sljedeći **zaključak**:

Zadužuje se Gradonačelnik da pripremi program mjera i aktivnosti sa subjektima i rokovima koji se trebaju uraditi da se otklone nedostaci evidentirani u razmatranom izvještaju, u kome je njihovo prevazilaženje i predloženo preporukama, te da tako pripremljen Program koji će biti upućen Uredu za reviziju, dostavi Gradskom vijeću na razmatranje u vidu informacije.

Predsjedavajući Gradskog vijeća Suljo Agić je konstatirao da je **Gradsko vijeće** primilo k znanju Informaciju o Izvještaju o reviziji finansijskih izvještaja za 2015. godinu kako je dostavljena.

Ad 14)

Informacija o realizaciji vijećničkih pitanja i inicijativa za period januar – maj 2016. godine

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik.

U raspravi o proceduralnim pitanjima sudjelovali su **gradski vijećnik Alija Hodžić i Predsjedavajući Gradskog vijeća Suljo Agić**.

Poslije rasprave, **Predsjedavajući Gradskog vijeća Suljo Agić** je konstatirao da je Gradsko vijeće Grada Sarajeva primilo k znanju Informaciju o realizaciji vijećničkih pitanja i inicijativa za period januar – maj 2016. godine kako je dostavljena.

Ad 15)

Informacija o stanju javnih zelenih površina na području grada Sarajeva, plan i program za održavanje i uređenje istih

U uvodnim napomenama **Predsjedavajući Gradskog vijeća Suljo Agić** podsjetio je gradske vijećnike da je predlagač akta Gradonačelnik, a da je Odbor za javne službe, infrastrukturu i javni saobraćaj razmatrao materijal i usvojio određene zaključke.

Poslije izjašnjavanja, **Predsjedavajući Gradskog vijeća Suljo Agić** konstatirao je da se četiri gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika, na prijedlog **Odbora za javne službe, infrastrukturu i javni saobraćaj** usvojilo sljedeći **zaključak**:

Traži se od Gradonačelnika da, za jednu od sljedećih sjednica Gradskog vijeća, Gradskom vijeću dostavi izvještaj o provođenju gradskih propisa kojim je propisana obaveza Grada Sarajeva za uređenje korita, otvorenih vodotoka, kao i lokaliteta na kojima su gradske česme i spomenici od interesa za Grad Sarajevo kao i drugih komunalnih objekata i javnih površina iz nadležnosti Grada Sarajeva.

Predsjedavajući Gradskog vijeća Suljo Agić je konstatirao da je Gradsko vijeće Grada Sarajeva primilo k znanju Informaciju o stanju javnih zelenih površina na području Grada Sarajeva, plan i program za održavanje i uređenje istih kako je i dostavljena.

Ad 16) Vijećnička pitanja i inicijative

U uvodnim napomenama, **Predsjedavajući Gradskog vijeća Suljo Agić** je podsjetio gradske vijećnike na podnesene inicijative, odnosno upućena pitanja u pisanoj formi. Podsjetio je da je zamjenik **Predsjedavajućeg Gradskog vijeća Gradimir Gojer**, na prošloj sjednici iznio inicijativu koju je u pripremi ove sjednice dostavio i u pisanoj formi, i zatražio podršku Gradskog vijeća.

1. Gradski vijećnik Gradimir Gojer je zatražio podršku Gradskog vijeća za **inicijativu** podnesenoj u pisanoj formi kako slijedi.

„Pokrećem inicijativu Gradskom vijeću Grada Sarajeva da se organizira velika akcija svih onih koji vole Grad Sarajevo i kojima je stalo do njegovog napretka i boljitka. Tom akcijom, stručno moderiranom i koordiniranom, uz učešće volontera iz svih političkih stranaka, kao i nevladinog

sektora, valjalo bi temeljito očistiti korito i obale rijeke Miljacke.

Pozivam Gradsku upravu Grada Sarajeva da osigura uvjete i stavi se na čelo ove široke akcije kojom bi, umjesto rugla, korito Miljacke i njene obale postali ogledalom Grada Sarajeva kao Europske metropole“

Poslije izjašnjavanja, **Predsjedavajući Gradskog vijeća Suljo Agić** konstatirao je da se tri gradska vijećnika nisu izjasnila, a da je **Gradsko vijeće Grada Sarajeva, jednoglasno**, izjasnivši se sa 19 glasova “za”, bez glasova “protiv” i bez “suzdržanih” glasova prisutnih gradskih vijećnika, podržalo podnesenu inicijativu, te je inicijativa postala inicijativom Gradskog vijeća.

2. Odbor za društvene djelatnosti je uputio Gradskom vijeću **inicijativu** kako slijedi.

Odbor za društvene djelatnosti predlaže Gradskom vijeću da zaduži Gradonačelnika da Odboru dostavi dio revizorskog izvještaja koji se odnosi na JP Olimpijski bazen "Otoka" d.o.o. Sarajevo.

Poslije izjašnjavanja, **Predsjedavajući Gradskog vijeća Suljo Agić** konstatirao je da se pet gradskih vijećnika nisu izjasnila, a da je **Gradsko vijeće Grada Sarajeva**, bez rasprave, **jedoglasno**, izjasnivši se sa 16 glasova “za”, jednim glasom “protiv” i bez “suzdržanih” glasova prisutnih gradskih vijećnika usvojilo **zaključak** sljedećeg sadržaja:

Zadužuje se Gradonačelnik da Odboru za budžet i finansije dostavi dio Izvještaja o finansijskoj reviziji Grada Sarajeva za 2015. godinu Ureda za reviziju inistitucija u F BiH, a koji se odnosi na JP Olimpijski bazen "Otoka", d.o.o. Sarajevo.

3. Administrativna komisija je podnijela Gradskom vijeća **inicijativu** kako slijedi.

Administrativna komisija insistira na realizaciji inicijative gradskog vijećnika Alije Hodžića za postavljanje fotografije gradskih vijećnika u aktuelnom sazivu, tokom kojeg je obnovljena Vijećnica ponovo otvorena.

Poslije izjašnjavanja, **Predsjedavajući Gradskog vijeća Suljo Agić** konstatirao je da se četiri gradskih vijećnika nisu izjasnila, a da je **Gradsko vijeće Grada Sarajeva**, bez rasprave, **jedoglasno**, izjasnivši se sa 18 glasova “za”, bez glasova “protiv” i bez “suzdržanih” glasova prisutnih gradskih vijećnika usvojilo sljedeći **zaključak**:

Zadužuje se Gradonačelnik da realizira inicijativu gradskog vijećnika Alije Hodžića za postavljanje fotografije gradskih vijećnika u aktuelnom sazivu, tokom kojeg je obnovljena Vijećnica ponovo otvorena.

4. Gradski vijećnik Slaven Kovačević je uputio Gradonačelniku **inicijativu** sljedećeg sadržaja.

Općinsko vijeće Centar je zadužilo sedam gradskih vijećnika koji dolazi iz Općine Centar da iznesu ovu inicijativu. Općina Centar se zahvaljuje na saradnji Gradonačelniku vezano za izgradnju vodovoda kojim se snabdijevaju naselja Nahorevska Brda, Selja, Muharemovići i okolna naselja. Budući da se projekt izgradnje vodovoda za ovo područje privodi kraju, a trasu cjevovoda je trebalo izmijeniti da bi se zaobišla jedna od privatnih parcela, u procesu je izmjena urbanističke saglasnosti. Potrebno je da Gradonačelnik proces izmjene urbanističke saglasnosti, a kasnije i izdavanje rješenja o građenju, završi što prije kako bi se što prije i izveli navedeni radovi.

5. Gradski vijećnik Velija Katica je podnio **inicijativu** sljedećeg sadržaja.

Budući da krajem godine Gradsko vijeće odlučuje o dodjeli priznanja Gradskog vijeća, upućuje se inicijativa da se Muhamedu Kunovcu dodijeli nagrada „Graham Bamford“.

U vremenu u kome živimo svjedočimo često brutalnom nasilju u našem gradu. Nisu samo žene

izložene nasilju. Povod za iniciranje dodjele ove nagrade je taj što je taksista Milorad Simeunović iz Istočnog Sarajeva bio izložen nasilju radeći svoj posao. Napale su ga dvije žene. Muhamed Kunovac mu je pritekao u pomoć i praktično mu spasio život.

6. Gradski vijećnik Suvad Kerla je podnio **vijećničko pitanje** sljedećeg sadržaja.

Kod Drvenije mosta postavljeni su veliki panoi. Iz iskustva je poznato da to bude područje na kome tokom predizborne kampanje budu poljepljeni plakati bez reda i predstavljaju ruglo grada. Da li je postavljanje plakata na tom mjestu uređeno propisima i da li Gradska uprava odobrava postavljanje tih plakata?

Pomoćnik Gradonačelnika za komunalne poslove Hamdo Karić je odmah usmeno odgovorio na postavljano pitanje.

Postavljanje plakata na plakatnim panoima na području u nadležnosti Grada će i ove godine biti uredno odobravano i pratit će se stanje, odnosno realizacija rješenja Gradonačelnika.

Za plakatiranje koje nije u nadležnosti Grada, nadzor vrši nadležna inspekcija Kantona Sarajevo ili druga nadležna institucija, ovisno o konkretnoj lokaciji.

Predsjedavajući Gradskog vijeća Suljo Agić je najavio održavanje 42. sjednice Gradskog vijeća za srijedu 28. septembra 2016. godine, održavanje sjednice Kolegija Gradskog vijeća za 01.09.2016. godine.

Zasjedanje završeno u 11 sati i 30 minuta.

Sastavni dio ovog zapisnika je izvornik i tonski snimak o radu Gradskog vijeća koji se čuvaju u Službi Gradskog vijeća Grada Sarajeva.

SEKRETAR GRADSKOG VIJEĆA

Safet Krajišnik, s.r.



PREDSJEDAVAJUĆI GRADSKOG VIJEĆA

Suljo Agić, s.r.